

## **Inuussutissarsiutitigut ilinniartitaanerup aqunneqarnera pillugu Namminersornerullutik Oqartussat nalunaarutaat nr. 20 ulloq 27. maaji 1991-imeersoq**

Inuussutissarsiutitigut ilinniartitaaneq, ilinniagaqarnermut tapiissutit inuussutissarsiutinullu tunngasunik siunnersuineq pillugit Inatsisartut peqqussutaanni nr. 1-imi 4. maj 1990-imeersumi §§ 1 aamma 6 naapertorlugit makku aalajangersarneqarput:

### **Kapitali 1.**

Kultureqarnermi Ilinniartitaanermi Suliffeqarnermilu

#### *Pisorta qarfik.*

§ 1. Inuussutissarsiutitigut ilinniartitaanerni tamani ilinniartut suliffeqarfiillu pillugit pissutsini aningaasatigut, inatsisilerinikkut, aqutsinikkut pilersaarusiornikkullu qitiusumik ingerlatsineq Pisorta qarfimmit ingerlanneqarpoq, matumani ilanngullugit ilinniartitaanermi tapiissutit, ilinniartitaanermi taarsigassarsiat kiisalu ilinniartitaanermik inuussutissarsiutinullu tunngasunik siunnersuineq.

§ 2. Qitiusumik ilinniartitaanermi ataatsimiititaliap najukkanilu ataasiakkaani inuussutissarsiutitigut ilinniartitaaneq pillugu ataatsimiititat inassuteqarneri naapertorlugit naalakkersuisuni ilaasortap makku aalajangersassavai:

- 1) Ilinniakkami ataatsimi taassumalluunniit ilaani ilinniagaqartut qassit ilinnlartussatut tiguneqassanersut, aamma
- 2) ilinniartitaanerit ataasiakkaat sammiviillu ataasiakkaat ingerlanneqarnerini holdit ikinnerpaaffissaat.

§ 3. Pisorta qarfiup ukiut tamaasa ilinniakkamut ilinniartussatut tiguneqarnissamik qinnuteqarnermi piffissarititaasut kingulliit periusissallu pillugit paasisitsiniaanerit pisariaqartut aallartittassavai.

§ 4. Najukkani inuussutissarsiutitigut atuarfeqanngitsuni inuussutissarsiutitigulluunniit ilinniartitaaneq pillugu ataatsimiititaqanngitsuni pisorta qarfiup imaluunniit suliffiup inuulluunniit pisorta qarfiup piginnaatitaata suliassat najukkami inuutissarsiutitigut atuarfiup inuussutissarsiutitigullu ilinniartitaaneq pillugu ataatsimiititap suliassai isumagissavai.

§ 5. Pisorta qarfik Ilinniartitaanermi Tapiissutit pillugit Siunnersuisoqatigiinnut Ilinniartitaanermilu Tapiissutit pillugit Naammagittaalliuuteqartarfimmut allattoqarfiuvoq.

### **Kapitali 2.**

*Qitiusumik ilinniartitaanermi ataatsimiititaliaq.*

§ 6. Inuussutissarsiutit pingaernerit taamaasa pillugit qitiusumik ilinniartitaanermi ataatsimiititalianik pilersitsisoqartassaaq. Ilinniartitaanerup qaffasissusiata pigiinnarneqarnissaa qitiusumik ilinniartitaanermi ataatsimiititaliap nakkutigissavaa, qulakkiissallugulu Siammasissumik Tunngaviusumik Ilinniartitaanerit nunami tamarmik assigiissaarneqarnissaat.

Imm. 2. Qitiusumik ilinniartitaanermi ataatsimiititaliap makku pisortaqarfimmut inassuteqaateqarfiggissavai:

- 1) Ilinniartitaanerit siunertaat imarisaallu.
- 2) atuarfinni ilinniartitsinerit pillugit tunaartarisassat,
- 3) sungiusarfiusuni ilinniartitsinerit pillugit tunaartarisassat,
- 4) sungiusarfiit akuerineqartarnerini tunaartarisassat,
- 5) suliaqarfimmini ilinniartitaanernik nutaanik aallartitsinerit
- 6) suliaqarfimmini ilinniaqqitsitaanernik allanillu ilinniagaqarnernik aallartitsinerit.

Imm. 3. Qitiusumik ilinniartitaanermi ataatsimiititaliap suliasat allat Nalunaarutinut allanut tunngassuteqartut aamma ingerlatissavaat.

Imm. 4. Qitiusumik ilinniartitaanermi ataatsimiititaliat ilaasortaasa aamma suliasaraat toqqartuisussatut sulisussaq qitiusumik ilinniartitaanermi ataatsimiititaliap suliaanik ilisimatittassallugu. Kommunalbestyrelsip sinniisuutitaata KANUKOKA qitiusumik ilinniartitaanermi ataatsimiititaliap suliai pillugit ilisimatittassavaa.

§ 7. Qitiusumik ilinniartitaanermi ataatsimiititaliap makkuninnga ilaasorta qarpoq:

- 1) Sulisitsisut peqatigiiffiisa imaluunniit sulisitsisut annerit ataasiakkaat susassaqtartut ilaasortaatitassamittut toqqagaat marluk-pingasut,
- 2) akissarsiallit peqatigiiffiisa susassaqtartut ilaasortaatitassamittut toqqagaat marluk-pingasut,
- 3) kommunimi qitiusumik ilinniarfiup inissisimaffianiittumi kommunalbestyrelsip ilaasortaatitassamisut toqqagaa ataaseq.
- 4) Naalackersuisuni ilaasortap ilaasortaatitassatut toqqagaa ataaseq,
- 5) qitiusumik ilinniarfiup ilinniartitsisoqatigiivisa ilaasortassamittut toqqagaat ataaseq, kiisalu
- 6) qitiusumik ilinniarfimi ilinniagaqartut akunnerminni ilaasortaatitassamittut toqqagaat ataaseq.

Imm. 3. Inatsisartunut qinersereernerit kingorni tamaasa ilaasortaatitassat nutaat toqqarneqartassapput. Toqqagaaqqittoqarsinnaavoq.

Imm. 4. Naalackersuisuni ilaasortap aalajangersartassavaa peqatigiiffiit/kattuffiit imaluunniit sulisitsisut ataasiakkaat sorliit susassaqarf inni assigiinngitsuni qitiusumik ilinniartitaanermi ataatsimiititaliamut ilaasortaatitaqarnissaminnuttoqqagagaqassanersut. Imm. 1-imi nr. 1 aamma 2 malillugu ilaasortat amerlassusiat allanngorarsinnaavoq.

Imm. 5. Peqatigiiffinit/kattuffinit ilaasortaatitassatut toqqarneqartut ilinniagaq pillugu ilisimaarinnittuussapput, kommunimilu qitiusumik ilinniarfiup inissisimaffigisaani najugaqartuusariaqarlutik. Ilaasorta q kommunimi tassani najugaqartuunngippat sinniisussatut qinigaasoq kommunimi tassani najugaqartuussaaq. Ilaasortat toqqarneqarnerinik piumasaaqatinik taakkuninnga naammassinninngitsut Naalackersuisuni ilaasortat akuerineqarnissaat itigartinneqarsinnaavoq.

§ 8. Qitiusumik ilinniartitaanermi ataatsimiititaliami taaseqataasinnaatitaanatik ilaasortat aalajangersimasut Naalackersuisuni ilaasortap toqqarsinnaavai, qitiusumillu ilinniartitaanermi

ataatsimiititaliap aamma pisariaqartitsinini naapertorlugu taamaattunik toqqaasinnaatitaalluni.

**§ 9.** Qitiusumik ilinniartitaanermi ataatsimiititaliap siulittaasussani taassumalu tullissaa ilumini qinissavai, taakkulu kommunimi qitiusumik ilinniarfiup inissisimaffigisaani najugaqartuusariaqarput. Naalakkersuisuni ilaasortap allami najugaqarneq akuersissutigisinnaavaa.

Imm. 2. Naalakkersuisuni ilaasortap qitiusumik ilinniartitaanermi ataatsimiititaliap suleriaasissaa aalajangersartassavaa, tassunga ilanngullugit aqutsisut pillugit aalajangersakkat. Suliassat § 6-imi taaneqarsimasut imaat pillugit suleriaasissatut aalajangersakkani ilitersuusiortoqarsinnaavoq.

**§ 10.** Peqatigiiffinit/kattuffinnitassigisaannilluunniit ilaasortanut toqqaarneqarsimasunut kommunit aqunneqarneri pillugit inatsimmi malittarisassat aalajangersarneqarsimasut malillugit ataatsimiinnersiutisiaqartitsisoqassaaq. Ilaasortat kommunimit toqqaarneqarsimasut ataatsimiinnersiutisiaqartinneqarneratkommunimitaningaasalersorneqassaaq. Ilinniagaqartut sinniisuutitaat taamaallaat ataatsimiinnersiutisiaqartinneqarsinnaapput sungiusarnermik nalaanni akissarsiaqarunik, ataatsimiinnerminnilu piffissaq atugaat akissarsiaannit ilanngaatineqartassalluni.

### **Kapitali 3.**

Qitiusumik ilinniarfiit.

**§ 11.** Inuutissarsiutinut pingaarnerusunut tunngatillugu ataatsimut isigalugu killissarititaasut iluanni qitiusumik ilinniarfiup makku suliassarai:

- 1) Ilinniartitaanerit pillugit nutaanik siunnersuusiortullu ilinniartitaanerit ingerlanneqareersut kukkunersiorlugit aaqqiissutissanik siunnersuusiornissaq,
- 2) ilinniartitaaneritimaasaaq qissuunneqarnissaat, matumani ilinniartitaanerup ingerlaneranut tamarmut atuuttussamik atuartitsinissamik pilersaarutit, atuartitsinermi ilitersuutit atuartitsinermilu atortussat suliarineqarneri ilanngullugit,
- 3) Siamasissumik Tunngaviusumik Ilinniartitaanerup ilaata qitiusumik ingerlanneqartussap ingerlanneqarnera,
- 4) inuussutissarsiutitigut tunngaviusumik ilinniartitaanerit allat,
- 5) annerusumik ilinniartitaanerit,
- 6) nangitsisumik ilinniartitaanissaq ilinniaqqinnissarlu siunertaralugit pikkorissartitsinerit,
- 7) najukkani ataasiakkaani inuutissarsiutitigut siunnersorneqarnerup ingerlanneqarnera, matumani najukkani ataasiakkaani atuarfinni praktikkerneq pillugu ilitersuisut siunnersorneqartarneri ilanngullugit,
- 8) qitiusumik ilinniarfimmi ilinniartitaanermi ilinniartunut ilitersuineq, matumani STI-mi ilinniagaqartut qitiusumik ilinniarfimiittut ilitersorneqartarneri ilanngullugit, kiisalu
- 9) suliassat allat pisortaqarfiup erseqqinnerusumik unnersuussinera malillugu ilinniartitaanernut tunngassuteqartut.

**§ 12.** Qitiusumik ilinniarfik qitiusumik ilinniartitaanermi ataatsimiititaliamut/-nulluunniit atuarfiup inuutissarsiutitigut pingaarnerusutigut sussassaqaqfigisaaniittunut allattoqarfiuvoq, kiisalu aamma taamaalluni §§ 22 aamma 23 malillugu qitiusumik ilinniartitaanermi ataatsimiititalianut susassaqtartunut allanut.

§ 13. Qitiusumik ilinniarfik forständerimik Naalackersuisunit toqqarneqartumik pisortaqaassaaq.

Imm. 2. Atuarfimmi atuartsinermik ingerlatsinikkut, aqutsinikkut aningaasaqarnikkullu akisussaaffik forständerip tigummivaa.

§ 14. Inspektøri immikkoortoqarfimmiluunniit pisortaq forständerip sinniisorissavaa.

Imm. 2. Immikkoortortaqarfimi pisortaq, angalallatip ilinniarfiusup naalagaa taakkuluunniit assigisaanik atorfilik atuarfimmi il.il. atucrtitsinermik ingerlatsinikkut, aqutsinikkut aningaasaqarnikkullu akisussaasuvoq, pisortaqarf iulli erseqqinnerusumik aalajangersaaneratigut qitiusumik ilinniarfiit arlaata forständeriata ataani inissinneqarsinnaalluni.

#### **Kapitali 4.**

Najukkani inuussutissarsiornermut ilinniartitsinermut ataatsimiititaliat.

§ 15. Kommunini inuussutissarsiutitigut ilinniarfeqarfiusuni najukkani ataasiakkaani inuussutissarsiutitigut ataatsimiititalianik pilersitsoqassaaq. Najukkami inuussutissarsiutitigut ilinniartitsinermi ataatsimiititaliap isumagissavaa ilinniartitaanerit najukkami inuussutissarsiutitigut ilinniarfimmu atatinneqartut malittarisassat atuuttut malillugit ingerlanneqarnissaat, matumani pisinnaasat qaffasissusiata attatiinneqarnissaa ilanngullugu.

Imm. 2. Najukkani inuussutissarsiornermut ilinniartitsinermut ataatsimiititaliat inuiaqatigiinni atuuffigisaminni suliffissaqartitsiniarnikkut ilinniartitaanikkullu kiisalu ilinniartitaanerit akuutiinneqarnissaasigut ataqatigiissaarisuussapput, makku ilanngullugit:

- 1) Init nukissallu pisariaqartut kommunit suleqatiginerisigut pissarsiarinissaat,
- 2) sulisitsisut suleqatigalugit sungiusarfissat pisariaqartinneqartut pissarsiarinissaat, kiisalu
- 3) ilinniartitaanerit pillugit paasissutissiisarnerit.

Imm. 3. Ataatsimiititat nalunaarutit allat naapertorlugit assigiinngitsunik aamma suliaqartussaapput.

§ 16. Najukkani inuussutissarsiornermut ilinniartitsinermut ataatsimiititaliat makkuninnga ilaasortaqrput:

- 1) Kommunalbestyrelsip ilaasortaataa ataaseq,
- 2) najukkami akissarsiaqartut peqatigiiffiisa/kattuffiisa toqqagaat ataaseq,
- 3) najukkami namminersorlutik sulisitsut peqatigiiffinnut ilaasortaasut ataatsimocrlutik toqqagaat ataaseq,
- 4) najukkami pisortat sulisitsisut ataatsimoorlutik toqqagaat ataaseq,
- 5) najukkami aalisartut piniartullugu peqatigiiffiata toqqagaa ataaseq,
- 6) aqutsisuulluni skoleinspektøri taassumaluunniit toqqagaa,
- 7) suliffissarsiuussisarfimnti pisortatut siunnersorti taassumaluunniit toqqagaa,
- 8) inuussutissarsiutitigut siunnersorti imaluunniit alla assigisaanik suliaasaqartoq kommunalbestyrelsimi toqqagaasoq, kiisalu
- 9) najukkami inuussutissarslutitigut atuarfiup inuussutissarsiutitigut ilinniartitaanerni ilinniagaqartut tamarmik akunnerminni toqqagaat ataaseq.

Imm. 2. Ilaasortat imm. 1-imi nr.1-imit 5 ilanngullugu kiisalu nr. 9 malillugu toqqarneqarsimasut sinniisissaannik toqqasoqarsinnaavoq.

Imm. 3. Kommunalbestyrelsimut qinersinerup kingorna ilaasortat nutaamik toqqarneqartassapput. Toqqagaaqqittoqarsinnaavoq.

§ 17. Najukkami inuutiasarsiornermut ilinniartitsinerumut ataatsimiititaliap siullttaasussani taassumalu tullissaa nammineq ilumini toqqassavai.

Imm. 2. Najukkani inuutissarsiornermut ilinniartitsinerumut ataatsimiititaliat suleriaasissaat Naalackersuisuni ilaasortap aalajangersassavai, matumani ulluinnarni ingerlatsisut pillugit aalajangersakkat ilanngullugit. Ulluinnarni ingerlatsinerumi aalajangersakkani suliasat § 15-imi taaneqarsimasut imaat pillugit ilitersuusiortoqarsinnaavoq.

§ 18. Kattuffiit ilaasortaaitassaattut toqqakkatkommunimi aqutsineq pillugu inatsimmi malittarisassat malillugit ataatsimiinersiuteqartinneqassapput. Kommunalbestyrelsip ilaasortaaitaata ataatsimiinnersiutai kommunip aningaasartuutigissavai. Ilinniagaqartut sinniisaat akissarsiaqarlutik sungiusarlutik ataatsimiinnerminni akissarsiaminnik ilanngaanneqartarunik aatsaat malittarisassat taakku malillugit ataatsimiinnersiaqartinneqarsinnaapput.

## **Kapitali 5.**

Najukkani inuussutissarsiornermut ilinniarfiit.

§ 19. Najukkami inuutissarsiuutigut ilinniarfiup nunap immikkoortuani pisorta qarfiimmit aalajangerneqartumi makku isumagissavai:

- 1) Inuutissarsiuutip pingaarnerusup ataatsip arlallilluunniit iluanni Siamasissumik Tunngaviusumik Ilinniartitaanerup immikkoortuani siullermi atuartsineq,
- 2) STI-mi ilinniagaqartut sungiusarneq ilinniarnelru pillugit ilitersorneqarnerat, taamaattorli § 11, nr. 8 malugiuk,
- 3) STI-mi ilinniagaqartut teLmarmik sungiusarnermilu pissutsit atugaasa aqunneqarneri,
- 4) pikkorissartitsinernek ingerlatsinerit, kiisalu
- 5) pisorta qarfiup erseqqinnerumik ilitersuutai malillugit sumiiffinni ataasiakkaani suliasat attuumassuteqartut allat.

Imm. 2. Atuarfiit sumiiffinni susassa qarfi inuutissarsiuutigut pingaarnelrit tunngavigalugit allanngorarsinnaapput.

Imm. 3. Pisorta qarfiup makku akuerisinnaavai:

- 1) Qitiusumik ilinniarfiup ilinniartitsinerisa ilaat najukkami inuussutissarsiornermut ilinniarfimmuut ataatsimut arlalinnuunniit inissinneqarsinnaasut,
- 2) Siamasissumik Tunngaviusumik Ilinniartaanerup ilaa najukkami inuussutissarsiornermut ilinniarfimmuut allamut qitiusumilluunniit ilinniarfimmuut inissinneqarsinnaasoq.

§ 20. Najukkami inuussutissarsiornermut ilinniarfik najukkami inuussutissarsiuutigut ilinniartitaanermi ataatsimiititaliap allattoqarfigaa.

§ 21. Najukkami inuussutissarsiornermut ilinniarfik najukkami inuussutissarsiuutigut ilinniartitaanermi pisortamit aqunneqarpoq.

Imm. 2. Inuussutissarsiuutigut ilinniartitsinerumi pisortap ilinniarfimmuut atuartsinermik

ingerlatsinikkut, aqutsinikkut aningaasaqarnikkullu ingerlatat akisussaaffigai. Naalakkersuisut KANUKOKA-llu isumaqatigiissutigissavaat inuussutissarsiutitigut ilinniartitsinermi pisortap suut pisortaqarfiup tungaanut akisussaaffigissagai, aammalu taassuma kommuninut ataasiakkaanut suut akisussaaffigissanerai.

Imm. 3. Inuussutissarsiutitigut pisortaq kommunit ataasiakkaat aalajangersagaat malillugit kommunimi aaqqissuussinermi ilaatinneqassaaq, KANUKOKA-p Namminersornerullutillu Oqartussat akornanni isumaqatigiissut atuuttoq takuuk.

## **Kapitali 6.**

Inuussutissarsiornermut ilinniarfiit ilinniartitaanerillu allat.

§ 22. Inuussutissarsiornermut ilinniarfiit qulaani taaneqarsimasunit allaaneruset ataasiakkaarlutik aqunneqarneri naalakkersuisuni ilaasortap aalajangersaaffigissavai.

§ 23. Qitiusumik ilinniarfik siunertarpiami saniatigut inuussutissarsiutit pingaernerit ilaannik ilinniartitsinermik ingerlataqarpat aqutslnermut suliassartai ataasiakkaarlugit Naalakkersuisuni ilaasortap aalajangersaaffigissavai.

## **Kapitali 7.**

Ilinniartitsisoqatigiit.

§ 24. Qitiusumik ilinniarfinni najukkaniluunniit inuussutissarsiutitigut ilinniarfinni tamani ikinnerpaamik sisamanik aalajangersimasumik piffissallu affaa sinnerlugu sulisartussatut atorfinitsinneqarsimasunik ilinniartitsisulinni ilinniartitsisoqatigiit pilersinneqassapput. Ilinniartitsisoqatigiit ilaasortaataat tassaapput pisortaq, inspektøri, atuartitsissutinut siunnersorti, immikkoortoqarfinni pisortat, pisortap tullia kiisalu ilinniartitsisut aalajangersimasumik atorfinitsinneqarsimasut tamarmik, matumani assigiinngitsut tunngavigalugit atorf initsinneqarsimasut aamma ilaallutik.

Imm. 2. Ilinniarfinni imm. 1-imi taaneqarsimasunit minnerusuni ilinniartitsisoqatigiinnikpisortamillu inuttaqarlutik ilinniartitsisoqatigiit suliassaannik ingerlatsissapput.

Imm. 3. Ilinniartitsisut allat sulisullu allat aalajangersimasumik atorfinitsinneqarsimasut ilinniartitsisoqatigiit ataatsimiinnerini najuussinnaatitaapput. Sapaatit akunnerini timelærerit ilirmiartitsinerisa nalaanni ataatsimiittoqassatillugu taakku aamma najuussinnaatitaapput. Ilinniartitsisoqatigiit ataatsimiinnerini timelærerit najuussiinnatitaanerit taakkununga immikkut ataatsimiinnersiaqarfiusinnaatitaanngilaq.

Imm. 4. Ilinniarfinni ilinniagaqartut ataatsimiititaqarf iini ilinniagaqartut sinniisaat ilinniartitsisoqatigiit ataatsimiinnerini najuussinnaatitaavoq. Ilinniagaqartulli sinniisaat apeqqutit inunnut ataasiakkaanut ilinniagaqartunullu tunngasut sularineqarnerini najuussinnaatitaanngilaq, sinniisuutarli ilinniagaqartumut illersuisutut atorneqarsinnaavoq, § 31, imm. 1 takuuk.

§ 25. § 24, imm. 1 malillugu ilinniartitsisoqatigiit pilersinneqartut siulittaêtsussartik aalajangersimasumik ilinniartitsisutut atorfinitsinneqarsimasut akornannit qinissavaat. Qinersineq ukiut

tamaasa septembarip naannginnerani pisassaaq ukiullu atuartitsiviusup sinneranut atuutissalluni. Siulittaasooq tunuarpat ukiup atuartitsiviup sinneranut siulittaasusaaq nutaaq qinerneqassaaq.

Imm. 2. Ilinniartitsisoqatigiitsinnerlugitlærerkollegia atorpat siulittaasumik toqqaasooqassanngilaq, § 24, imm. 2 takuuk.

**§ 26.** Ilinniartitsisoqatigiitileqqoreqqusassatiknamminneq aalajangersassavaat. Ileqqoreqqusat pisortaqarfimmit akuerineqassapput.

**§ 27.** Ilinniartitsisoqatigiinni ilaasortat ilinniartitsisoqatigiit ataatsimiinnerini pinngitsooratik peqataasusaaqatapput. Tamannattaatuuppoqilinniartitsisoqatigiinni § 24, imm. 2, naapertorlugu pilersinneqarsimasuni ilaasortanut, ilaasortani apeqqutit § 28-mi pineqartut suliarineqassangaata.

**§ 28.** Suliassani tamani atuarfiup siulersuisuinit, qitiusumik ilinniartitaanermi ataatsimiititaliamit najukkamiluunniit inuussutissarsiornermut ilinniartitaanermi ataatsimiititaliamit saqqummiunneqartunut ilinniartitsisoqatigiit oqaaseqaateqartassapput.

Imm. 2. Ilinniarfimmi perorsaaneremut, aqutsineremut aningaasaqarneremut, ilinniartitsisunut ilinniartunulluunniit apeqqutini pingaarutilinni ilinniartitsisoqatigiit oqaaseqaateqartassapput apeqqutit ilinniarfiup siulersuisuinit aalajangiiffiqineqannginnerini. Ilinniartut pineqaatissinneqarnissaat pillugit ilinniartitsisoqatigiit oqaaseqarfiginisaannut aamma taamatut periarfissaqartinneqassapput.

Imm. 3. Pisortaqarfiup ilinniartitsisoqatigiit allanik suliakkersinnaavai.

**§ 29.** Ilinniartitsisoqatigiit suliaannut aningaasartuutit ilinniarfinnit ataasiakkaanit aningaasartuutigineqassapput.

## **Kapitali 8.**

### **Ilinniagaqartut siunnersuisoqatigiivi.**

**§ 30.** Inuussutissarsiornermik ilinniarfiit ataanni ilinniarfinni tamani ilinniagaqartut siunnersuisoqatigiivi pilersinneqassaput .

Imm. 2. Ilinniagaqartut siunnersuisoqatigiivi ukiumut atuarfusumut ataatsimutqinerneqartassapput. Ilinniagaqartut siunnersuisoqatigiivini ilaasortat tassapput ilinniarfimmi klassit, holdit, ukiumi ataatsimi atuartut, ilinniakkat, ilinniakkat iluini sammiviit assigiinngitsut allatulluunniit naleqquttumik agguataarinerni ataasiakkaani atuartut sinniisaat. Ilinniagaqartut siunnersuisoqatigiivisa siulittaasooq taassumalu tullissaa namminneq iluminni qinissavaat .

Imm. 3. Ilinniagaqartut siunnersuisoqatigiivisaqinerneqartarnerinut malittarisassat pisortaqarfiup aalajangersarsinnaavai.

**§ 31.** Apeqqutini tamanut attuumassuteqartuni ilinniagaqartut siunnersuisoqatigiivi ilinniarfiup siulersuisuinut ilinniartitsisuinullu ilinniagaqartut sinnerlugit saqqummertassapput, taakkualu kissaateqarneri naapertorlugit suliaassani ataasiakkaani ikiortassallugit.

Imm.2. Ilinniagaqartut siunnersuisoqatigiivisasulerialaasissartik namminneq aalajangersassavaat. Forstanderip najukkamiluunniit inuussutissarsiornermut ilinniartitaanermi pisortap sulerialaasissaq taanna akuerissavaa. Ilinniagaqartut siunnersuisoqatigiivisa aalajangiineq qitiusumik ilinniartitaanermi ataatsimiititaliamut najukkamiluunniit inuussutissarsiornermut ilinniartitaanermi ataatsimiititaliamut

## **Kapitali 9.**

### Atortuulersitsineq.

§ 32. Nalunaarut atortuulersinneqarpoq 1. juli 1991 aallarnerfigalugu.

Imm. 2. Tamatumunnga peqatigitillugu makku atorunnaarsinneqarput:

- 1) Savaatilissat ilinniartitaanerit pillugu Namminersornerullutik Oqartussat nalunaarutaanni nr. 6-imi 1. juni 1983-imeersumi §§ 3 aamma 4,
- 2) Ilinnutissarsiuutitigut ilinniartitaanermi nangitsinermik allaffimmi niuernermilu ilinniartitaaneq pillugu Namminersornerullutik Oqartussat nalunaarutaanni nr. 5-imi 30. juni 1983-imeersumi §§ 3 aamma 5,
- 3) Umiartornermut aalisarnermullu tunngatillugu Namminersornerullutik Oqartussat nalunaarutaanni nr. 2-mi 27. marts 1984-imeersumi §§ 3 aamma 4,
- 4) Najukaami inuussutissarsiornermut ilinniartitsinerit ataatsimiititaliaqarneq pillugu Namminersornerullutik Oqartussat nalunaarutaat nr. 1 19. januar 1988-imeersaq,
- 5) Siamasissumik Tunngaviusumik inuussutissarsiuutinut ilinniartitsinerit pillugit Namminersornerullutik Oqartussat nalunaarutaanni nr. 2-mi 19. januar 1988-imeersumi §§ 6-imiit 8-mut, 16, 17 aamma 27 kiisalu 33.
- 6) Sumiissusertutut Kalaallit Nunaanni ilinniartitaanerit pillugit Namminersornerullutik Oqartussat nalunaarutaanni nr. 17-imi 17. juni 1988-imeersumi §§ 3 aamma 4.
- 7) Qitiusumik ilinniartitaanermi ataatsimiititaliaq pillugu Namminersornerullutik Oqartussat nalunaarutaat nr. 3 19. januar 1989-imeersaq, kiisalu
- 8) Ilinniartitaanermi Pisortaqaarfiup kaajallaasitai makku:
  - a) Saviminilerinermik Sanaartornermillu Ilinniarfinni ilinniartitsisoqatigiit malittarisassaar nr. 4/83, kiisalu
  - b) Angallatinut naalaganngoriartut, Umiartortunngoriartut Aalisartunngoriartullu Atuarfiini ilinniartitsisoqatigiit malittarisassaar nr. 12/84.

*Namminersornerullutik Oqartussat, 27. maaji 1991*

Marianne Jensen

/

Kaj Kleist